



*Du regne paisible, richesses & gravité du Roy Salomon, qui enfin idolatra avec ses concubines estrangeres.*

**S**ALOMON regna sur Israël en grande prosperité & abondance de richesses, il auoit vn thrône d'yuoire garny de Lyons sur chacun degré d'iceluy. Le prix d'or qu'on presentoit à Salomon tous les ans, estoit de six cens soixante-six talens d'or, & auoit vn nombre infiny de paouis & boucliers d'or qu'il mit en la maison de la forest du Liban, où ses precieux meubles estoient, & les vaisseaux où il beuoit estoient d'or tres-pur. Ainsi Salomon surpassoit en gloire & magnificence tous les Rois de la terre, & chacun desiroit voir sa face, & luy presenter dons exquis. Il fut toutesfois par trop curieux des femmes estrangeres qui estoient de diuerses Religions, & chacune d'icelles auoit vn Dieu particulier qui estoit par elles reueré. Et Salomon obtemperant à ses femmes, fit Temple, sacrifice, & encensemens à leurs faux Dieux, dont le Seigneur fut tant offensé, qu'il luy suscita pour ennemis Adas & Ieroboam, lequel rencontra Ahias Silonite le Prophete, qui mit son manteau en douze pieces, en presageant la separation du regne d'Israël, duquel Salomon auoit iouï quarante ans. Puis il dormit avec ses peres, & fut enseuely en la Cité de Dauid, & son fils Roboam regna pour luy.

*3. Des Rois 10. & 11. Chap.*